

## S A M Þ Y K K T

### fyrir Vatnsveitufélag Vetleifsholtshverfis í Ásahreppi.

#### 1. gr.

Félagið heitir Vatnsveitufélag Vetleifsholtshverfis. Heimili þess og varnarþing er í Ásahreppi í Rangárvallasýslu.

#### 2. gr.

Markmið félagsins er að sjá þýlum á félagssvæðinu fyrir vatni.

#### 3. gr.

Stofnendur félagsins eru ábúendur býlanna, Rifshalakots, Vetleifsholts, Lindarbæjar og Kastalabrekku.

Stofngjald greiðist af hverju býli kr. 3000.00 — þrjú þúsund —.

#### 4. gr.

Ábúendur nýrra býla á félagssvæðinu má taka í félagið með samþykki lögmaets aðalfundar. Nýtt býli greiðir þrjú þúsund krónur sem stofngjald. Þó getur aðalfundur ákveðið aðra upphæð, ef sérstakar ástæður eru fyrir hendi. Nýtt býli verður að kosta allar framkvæmdir, sem gera verður sérstaklega til að það geti notað mannvirki félagsins.

#### 5. gr.

Vatnsskatt skal innheimta árlega. Skal félagsstjórn ákveða upphæð hans þannig fyrir hvert reikningsár, að nægi greiðslu vaxta afborgana og viðhalds. Vatnsskattur greiðist í hlutfalli við stofngjald hvers aðila. Vatnsskatt má taka lögtaki, ef ekki er staðið í skilum. Eignir félagsins standa til fullnæginga skuldbindingum þess. Enginn félagsmaður ber ábyrgð á skuldbindingum félagsins umfram þau gjöld, sem honum er gert að greiða samkvæmt ákvæðum þessarar samþykktar.

#### 6. gr.

Félagsstjórn er skylt að boða til fundar, ef þrír félagar eða tveir stjórnarmenn krefjast þess, enda greini þeir tilefni kröfunnar.

#### 7. gr.

Félagsfundur er lögmaetur, ef helmingur félagsmanna sækir hann, enda hafi verið löglega til hans boðað. Fundur er löglega boðaður, ef hverjum félagsmanni er tilkynnt fundarboð bréflega eða persónulega með fimm daga fyrirvara. Á félagsfundum hafa allir félagsmenn jafnan rétt og ræður afl atkvæða úrslitum.

#### 8. gr.

Aðalfundur félagsins skal haldinn eigi síðar en 1. apríl ár hvert. Til hans skal boða með viku fyrirvara, bréflega eða persónulega. Aðalfundur er lögmaetur ef allir félagsmenn sækja hann. Hafi þrisvar sinnum verið boðað til aðalfundar vegna ónógrar fundarsóknar, telst þriðji fundurinn lögmaetur, hver sem fundarsókn er. Á aðalfundi skulu teknar ákvarðanir um starfsemi félagsins á árinu, lagðir fram reikningar af stjórn félagsins, en hana skipa þrír menn, sem að félagsstofnun standa. Liggi önnur mál fyrir aðalfundi en venjuleg aðalfundarstörf, skal þess getið í fundarboði.

## 9. gr.

Stjórn félagsins skiptir með sér verkum. Störf stjórnar skulu ólaunuð. Formaður kveður stjórnina saman til fundar og boðar félagsfundi og aðalfundi. Stjórnarfundir eru því aðeins lögmatir, að allir stjórnarmenn séu mættir. Færa skal gerðabók stjórnarfunda og skal ritari stjórnarinnar lesa fundargerð í lok hvers fundar og undirrita hana, ásamt formanni, þegar hún hefur verið samþykkt.

## 10. gr.

Stjórn félagsins hefur umsjón með vatnsveitunni, annast reikningshald hennar og innheimtu á gjöldum til félagsins. Hún sér um viðgerðir og viðhald á vatnsveitunni. Viðhald heimæða og umbúnað í húsum annast félagsmenn hver hjá sér.

## 11. gr.

Samþykkt þessari má ekki breyta, nema á aðalfundi, enda hafi breytinganna verið getið í fundarboði og séu að minnsta kosti  $\frac{2}{3}$  félagsmanna samþykkir þeim.

Samþykkt þessi, sem samin er og samþykkt af Vatnsveitufélagi Vetleifsholts-hverfis í Ásahreppi, staðfestist hér með samkvæmt vatnalögum nr. 15 20. júní 1923, til þess að öðlast gildi þegar í stað og birtist til eftirbreytni öllum þeim, sem hlut eiga að máli.

*Félagsmálaráðuneytið, 12. febrúar 1969.*

F. h. r.

**Hjálmar Vilhjálmsson.**

*Hallgrímur Dalberg.*

## AUGLÝSING

**um staðfestingu félagsmálaráðuneytisins á reglum nefnda til úthlutunar bóta samkvæmt lögum um atvinnuleysistryggingar.**

Samkvæmt lögum nr. 29 7. apríl 1956, um atvinnuleysistryggingar, hefur ráðuneytið staðfest reglugerðir fyrir eftirtaldar úthlutunarnefndir atvinnuleysisbóta, sbr. auglýsingu ráðuneytisins, nr. 16, B-deild Stjórnartíðinda 7. febrúar 1957:

63. Nefnd Verkalýðsfélags Reyðarfjarðarhrepps, aðsetur í Reyðarfjarðarhreppi. Staðfest 16. janúar 1969.
64. Nefnd Verkalýðsfélags Skeggjastaðahrepps, aðsetur í Bakkafirði, N.-Múl. Staðfest 16. janúar 1969.
65. Nefnd Bifreiðastjórafélagsins Keilis, aðsetur í Keflavík. Staðfest 14. febrúar 1969.
66. Nefnd Offsetprentarafélags Íslands, aðsetur í Reykjavík. Staðfest 14. febrúar 1969.
67. Nefnd Vélstjórafélags Ísafjarðar, aðsetur í Reykjavík. Staðfest 14. febrúar 1969.
68. Nefnd Verkstjórasambands Íslands, aðsetur í Reykjavík. Staðfest 14. febrúar 1969.
69. Nefnd Sjómannafélags Ísfirðinga, aðsetur á Ísafirði. Staðfest 14. febrúar 1969.
70. Nefnd Verkalýðsfélags Egilsstaðahrepps, aðsetur á Egilsstöðum. Staðfest 14. febrúar 1969.

*Félagsmálaráðuneytið, 14. febrúar 1969.*

F. h. r.

**Hjálmar Vilhjálmsson.**

*Gunnlaugur Þórðarson.*